


Pagguba sa AI



Adrian Ebens



Adrian Ebens, 2026

Tanang Katungod Gireserba © 2026, Adrian Ebens

Maranathamedia.com

Ang moral nga katungod sa tagsulat gipahayag.

Ang tanang katungod gireserba. Walay bisan unsang bahin niini nga publikasyon ang mahimong kopyahon o gamiton alang sa komersyal nga ganansya, lakip ang pagpadala sa bisan unsang porma pinaagi sa bisan unsang paagi, elektronko, mekanikal, photocopy, rekord o uban pa, nga walay daang nakasulat nga pagtugot gikan sa magmantala ug mga tag-iya sa tanang katungod nga gireserba. Palihug hinumdomi nga ang tagsulat nagpunting sa pipila ka bahin sa mga bersikulo pinaagi sa bold aron ipakita ang espisipikong punto nga nakuha gikan sa maong mga teksto.

Gawas kung lahi ang gisulti, ang mga besikulo gikan sa Balaang Kasulatan kuha sa *King James Version*.

Copyright © 1996, 2004, 2015 sa Tyndale House Foundation. Gigamit uban sa pagtugot.

Ang mga bersikulo gikan sa NKJV kuha sa Balaang Biblia, *New King James Version*.

Copyright © 1982 ni Thomas Nelson, Inc. Gigamit uban sa pagtugot.

Ang mga besikulo nga giila sa YLT kuha sa Balaang Biblia, *Young's Literal Translation*, copyright© 1898, ni Robert Young, karon anaa sa pampublikong domain.

Kini nga transkrip ug ang tanan nga uban pang mga publikasyon sa Maranatha Media magamit gikan sa among website maranathamedia.com aron mag-order dugang nga mga kopya palihug e-email adrian@maranathamedia.com

Kini nga Transkrip

Gipresentar ni Adrian Ebens

Gi-transcribed ug Gi-Proofread ni Adam Pearce ug Lorelle Ebens

Disenyo sa Cover ni Adrian Ebens

Litrato sa Cover gikan sa Shutterstock

Typeset 10.5/14 Palatino Linotype

Gipatik sa Australia

TRANSKRIP GIKAN SA
PRESENTASYON NI ADRIAN EBENS
ENERO 7, 2026

PAGGUBA SA AI

Pangbukas nga mga Komento:

Mga pangumusta, minahal nga pamilya sa tibuok kalibutan. Nalipay kami nga nakauban ninyo kami pag-usab alang sa laing presentasyon. Nanghinaut kami nga nalipay kamo sa pipila ka mga musika, lakip na ang pipila sa mas bag-ong mga kanta. Nindot kaayo hunahunaon, samtang namati kami sa maong kanta nga “Our Beloved is Calling,” nga tinuod gayod nga Siya nagatawag kanato sa matag lakang samtang nagpadulong kita sa lig-on ug dili matay-og nga pundasyon. Busa, samtang naghunahuna kita sa dakong gugma sa atong bantugang Amahan; kini usa ka dakong panalangin.

Padayon akong nagtuon ug nagtrabaho sa mga sugilanon diha sa basahon ni Josue, tungod kay sa umaabot gusto kong maghimo ug laing libro mahitungod sa Mirror Principle: *The Kingdom of Heaven*, nga akong nahisgutan na kaniadto. Adunay daghang mga butang nga padayon nga motungha nga makapainteres kaayo. Karong gabii, dinhi sa Australia (alang sa uban kaninyo, buntag na), atong tan-awon ang pagguba sa Ai, ug adunay pipila ka mga tawo nga moingon, oh, ang

pagguba sa AI. Apan kini mao ang siyudad nga Ai, ug kung giunsa kini miabot sa iyang katapusan. Gusto natong tan-awon gamay kining maong sugilanon. Gusto kong ipunting ang pipila ka mga punto ug maghisgot usab og gamay sa gramatika sa Hebreo samtang nagpadayon kita. Apan sa dili pa ako mopadayon, gusto ko una nga mag-ampo.

Pangbukas nga Pag-ampo:

Minahal nga Amahan sa langit, nagapasalamat kami Kanimo sa kahigayonan nga magkatigom kami uban sa among mga igsoon ug sa tanang maminaw niining presentasyon. Nag-ampo kami, Amahan, alang sa Imong Espiritu. Nag-ampo usab kami alang sa ulahing ulan. Nag-ampo kami, Amahan, nga among mapadayag ang Imong dagway ug nga Ihatag Mo kanamo ang Espiritu sa Imong Anak; aron magpabilin kami sa sapa sa kinabuhi.

Ug nag-ampo usab ako, Amahan, alang sa tanang naglisod, sa tanang nag-atubang og mga kalisdanan, nga among hinumdoman nga sila minahal Kanimo ug nga Imo nang giandam ang usa ka dapit alang kanamong tanan. Ug sa dili madugay, kami magapuyo na sa gingharian sa langit. Dako kaayo ang among tinguha nga makaadto didto.

Ug nagapasalamat ako Kanimo sa pagpaminaw niini nga pag-ampo, sa ngalan ni Hesus. Amen.

Presentasyon:

Sa miaging mga adlaw, nagsulat lang ako og sulat ngadto sa usa ka tawo nga tingali anaa na sa kapin-an sa sitenta anyos ug dili na kaayo maayo ang kahimtangan. Ug ako miingon, hunahunaa lang nga sa dili madugay magalakaw na kita sa mga dalan sa langit, maminaw sa mga koro sa mga manulunda, moawit uban kanila, mokaon sa bunga sa Kahoy sa Kinabuhi, ug moinom sa tubig gikan sa mga sapa sa

kinabuhi. Makigsulti usab kita sa tanang mga balaan, sa karon ug sa kaniadto. Daw unsa ka matahum niana. Atong dasigon ang usag usa pinaagi niining mga hunahuna.

Busa, gusto kong moadto ta sa screen, ug atong tan-awon ang pagguba sa Ai. Magsugod kita sa Josue kapitulo 8, bersikulo 1 ug 2. Mao kini ang gisulti dinhi:

Ug ang Ginoo miingon kang Josue: “Ayaw kahadlok, ni pagduhaduha; **pagkuha** [imperatibo]

Gibutang nako sa mga panaklong ang mga pahayag diin ang Dios nagahatag og sugo. Gibutang nako kini isip imperatibo, kay kini importante: ang imperatibo sa Ingles mao ang sugo, usa ka mando sa pagbuhat sa usa ka butang. Ang Hebreo nagpakita kanato kung kanus-a gigamit sa Dios ang imperatibo ug kanus-a dili. Ug kini mahimong makapainteres sa unang duha ka bersikulo. Mao kini ang gisulti,

pagkuha [mao kini ang sugo – imperatibo] sa tanang tawo sa gubat uban kanimo, ug **pagbarog** [mao kini ang sugo – imperatibo], **saka** [mao kini ang sugo – imperatibo] ngadto sa Ai. **Tan-awa** [o tan-awa – mao kini ang sugo – imperatibo], **gihatag Ko na kini sa imong kamot**

Ug atong tan-awon karon ang sunod niini, unsay kahulugan sa gihatag sa imong kamot. Gisulti niini,

Gihatag Ko na sa imong kamot ang hari sa Ai, ang iyang katawhan, ang iyang siyudad, ug ang iyang yuta. Ug buhaton nimo [Qal Perfect] ngadto sa Ai ug sa iyang hari sama sa imong pagbuhat ngadto sa Jerico ug sa iyang hari.

Ug kining bahin makapainteres. “Buhaton nimo.” Karon, human mabasa ang tanang uban pang mga butang nga gisugo sa Dios kanila, imong hunahunaon nga ang pulong nga “buhaton nimo ngadto sa Ai ug sa iyang hari sama sa imong pagbuhat ngadto sa Jerico.” Karon,

kon basahon nimo kini nga pahayag, daw sama kini og, OK, gipatay nimo ang tanang tawo sa Jerico gawas lang ni Rahab ug sa iyang pamilya. Imong hunahunaon nga kini usa ka sugo, “buhaton ngadto sa Ai ug sa iyang hari sama sa imong gibuhat ngadto sa Jerico.” Apan ang porma sa Hebreo tinuod nga *Qal*, nga mao ang batakanang porma sa Hebreo sa usa ka berbo, ug mao ang labing kasagarang porma. *Qal Perfect*. Ug atong tan-awon unsay kahulugan sa *Qal Perfect*. Busa, kini dili tinuod nga sugo. Kini usa ka pahayag. Apan dili kini usa ka imperatibo nga sugo. Gisulti niini,

Ug **buhaton** nimo [Qal Perfect] ngadto sa Ai ug sa iyang hari sama sa imong gibuhat ngadto sa Jerico ug sa iyang hari. Apan ang iyang mga butang nga nakawat ug ang iyang mga hayop ra ang inyong kuhaon ingon nga ganti alang kaninyo. **Mag-andam** [mao kini ang sugo – imperatibo] og panuklob alang sa siyudad sa likod niini.” (Josue 8:1-2, NKJV)

Karon, ang pulong nga mag-andam usa ka sugo, mao usab kini ang imperatibo. Busa, ang mga butang nga gisulti sa Dios nga ilang buhaton mao ang pagbarog, pagkuha sa mga tawo, pagbarog, pagsaka, pagtan-aw, gihatag Ko na kini nga siyudad sa inyong mga kamot, ug pag-andam og panuklob sa siyudad. Apan ang bahin bahin sa pagbuhat ngadto sa hari sa Ai ug sa iyang katawhan dili usa ka imperatibo nga sugo. Kini mao ang gitawag nato nga *Qal Perfect*.

Sige, padayon ta sa Josue ug atong bantayan dinhi ang pulong nga “gihatag sa imong kamot.” Gusto nako nga inyong mapansin ang usa ka butang. Gisusi nako ang kahulugan sa “gihatag sa kamot” ug nakakaplag ko og mga bersikulo nga may kalabotan niini nga proseso. Karon, tan-awa unsay gisulti dinhi sa Jeremias 12:7. Gisulti niini,

Gibiyaan Ko ang akong balay, **gibilin** Ko ang akong panulundon;

Semi colon: ang semi colon nagpasabot nga ang gisulti bag-o lang gihubit karon pinaagi sa unsay isulti sunod.

Gihatag Ko ang minahal kaayo sa akong kalag **sa kamot** sa iyang mga kaaway. (Jeremias 12:7)

Busa, ang gihatag sa imong kamot nagpasabot sa pagbiya ug pagtalikod. Busa, sa dihang gisulti sa Dios nga gihatag Ko ang Ai sa inyong mga kamot, nagpasabot kini nga gibiyaan Niya ang Iyang buhat sa pagpanalipod sa Ai ug gibilin Niya kini kanila. Mao kini ang kahulugan sa “gihatag sa ilang kamot.” Busa, kon gibiyaan Niya sila ug gibilin, unsay tinuod nga kahulugan niini? Anaa usab ang laing teksto sa Isaias 47:6, diin gisulti nga Iyang gihatag ang Israel sa kamot sa Babilonia. Ug bantayi unsay gisulti Niya ngadto sa Babilonia.

Nasuko ako sa akong katawhan [ang kasuko nagpasabot sa pagbiya kanila], akong napanglapas ang akong panulundon, **ug gihatag Ko sila sa imong [Babilonia] kamot:**

Bantayi unsay sunod niyang gisulti.

wala ka magpakita kanila og kaluoy; sa karaang mga tawo imong gibug-atan pag-ayo sa imong pamatok. (Isaias 47:6)

Ug karon **gihatag Ko na ang tanang yutang kini sa kamot** ni Nebukadnesar, ang hari sa Babilonia, ang akong alagad; ug ang mga sapat sa uma gihatag Ko usab kaniya aron magsilbi kaniya. (Jeremias 27:6)

Busa, gihatag Niya ang Israel sa kamot sa Babilonia, apan gisulti Niya, “wala kamo magpakita kanila og kaluoy.” Busa, posible ba nga sa paghatag sa Ai sa kamot sa Israel, naglaum Siya nga magpakita sila og kaluoy ug magmaloloy-on kanila? Oo, magpahamtang og panuklob sa siyudad. Oo, palibuta sila, sama sa iyang gibuhat sa Jerico. Ug sa dihang nangaluag ang mga bungbong ug sila nabug-atan, mahimo silang mopili: molayas, sama sa panahon nga gilimpyo ni Jesus ang templo, o magtuo ug mag-ampo, maghinulsol, balibaran ang idolatrya, ug tinguhaon nga makakat-on bahin sa buhi nga Dios. Atong nakita kini kaniadto. Kini akong gituohan mao ang mga

putyukan, ang mga putyukan sa pagpakapukaw, nga kini ang gustong buhaton sa Dios.

Busa, gihatag Niya sila sa iyang kamot. Apan atong mapansin nga ang Dios nagsulti og usa ka butang, sa dihang Miingon Siya, “Buhaton nimo ang Ai sama sa imong gibuhat sa Jerico.” Karon, kinahanglan natong tan-awon ang porma sa berbo, ug kinahanglan natong susihon kini og gamay pa. Busa, atong makita dinhi [Josue 8:1-2] nga gisulti, “ug buhaton nimo,” kini mao ang *Qal Perfect*. Unsa man ang *Qal Perfect*? Gisusi nako kini online, ug usab sa E-Sword nga himan,

Qal perfect

Pagsabot sa Hebreo nga Qal Perfect

Kahulugan ug Estruktura

Ang Qal Perfect usa ka porma sa berbo sa Hebreo nga nagpakita sa nahuman na nga mga lihok.

Makapainteres kini sa dihang gisulti, “Buhaton nimo ang Ai ug ang iyang hari sama sa imong gibuhat sa Jerico,” kay gigamit niini ang porma sa berbo nga alang sa mga lihok nga nahuman na o nahitabo na sa nangagi. Busa, ngano man gigamit kini nga porma sa berbo?

Kini gihulagway pinaagi sa:

- Aktibo nga Tingog: Ang paksa maoy nagbuhat sa lihok. (“Buhaton nimo ang Ai; mao kana ang paksa.)
- Yano nga Aspeto: Ang lihok diretso ug dili komplikado.
- Perpektong Panahon: [Bantayi kini] Ang lihok nahuman na, kasagaran hubaron isip nangagi nga panahon sa Ingles.

Ngano man nga kini nga teksto, sa dihang gisulti sa Dios, “buhaton

nimo ang Ai sama sa imong gibuhay sa Jerico,” gigamit man kini ang perpektong panahon? Ngano man dili kini gamiton isip imperatibo o gamiton ang porma nga para sa umaabot, alang sa mga butang nga umaabot pa? Gisulat kini nga daw nahuman na kini. Karun, makapainteres nga atong masabtan og gamay pa ang bahin sa *Qal Perfect*. Ang porma sa berbo nga *Qal Perfect* usahay gamiton sa mga propetikong pahayag. Kini gikan sa E-Sword: mga himan sa panahon, tingog, ug kahimtang.

Paggamit sa mga Propetikong Pahayag

Sa propetikong literatura, ang *Qal Perfect* makapadayag og kasiguruhan ug katapusan.

Busa, kini usa ka idyoma o mekanismo nga ang butang nga umaabot pa kay ingon ka sigurado nga gisulti kini nga daw nahitabo na. Ug kini nagpadayag og kasiguruhan ug kalig-on. Mao kini ang hinungdan nga gigamit ang porma sa berbo aron ipadayag ang pagbati sa kasiguruhan, sama sa kini mahitabo gyud.

Kasagaran kini nagpakita sa mga lihok o deklarasyon sa Dios, nga nagpunting nga kini nahuman na o sigurado gayud nga mahitabo.

Busa dinhi atong makita ang paggamit sa Hebreo sa usa ka butang nga kasagarang gamiton alang sa mga nahitabo na sa nangagi. Apan, sa Ingles, ato kining isulti ingon, “Hapit na kini mahuman. Sigurado kini. Mahitabo gyud kini. Nasayud ko nga mahitabo gyud kini.”

Ug usab, sa gamayng dugang nga pagtan-aw sa E-Sword nga himan, gisulti niini,

2d) Usahay sa Hebreo, ang mga umaabot nga panghitabo gihunahuna nga ingon ka hayag ug ingon ka tinuod nga daw nahitabo na kini ug gihulagway gamit ang perpekto. (E-sword Tense Voice Mood tools)

Busa, kini usa ka mekanismo sa Hebreo nga naggamit sa porma sa berbo. Ug mahimo ba nga kini ingon ka hayag sa Dios (Hinumduman Niya ang pagguba sa Jerico ug ang pagpatay sa tanang tawo didto) nga ingon ka tinuod ug ingon ka kusog ang pagbati niini, ingon sa atong isulti sa Ingles, alang sa Dios, mao nga gigamit Niya kini nga panahon sa berbo? Nga ingon ka realistiko kini, ug sigurado gayud nga kini mahitabo.

Karon, adto ta sa Young's Literal Translation, kay kini naghubad sa *Qal Perfect* ingon sa literal nga pagbasa niini. Ug bantayi unsay gisulti sa Dios,

'ug imong gibuhath [Qal Perfect] sa Ai ug sa iyang hari sama sa imong gibuhath sa Jerico ug sa iyang hari; apan ang iyang mga butang nga nakawat ug ang iyang mga hayop ra ang inyong kuhaon alang kaninyo; mag-andam kamo og panuklob alang sa siyudad sa likod niini.' (Josue 8:2, YLT)

Ang Dios nagtagna sa umaabot bahin sa unsay plano sa Israel nga buhaton. Gisultihan Niya sila unsay ilang buhaton.

Busa, ang Dios nagsulti, "Imong gibuhath kini." Karon usab; mahimo natong hubaron kini nga ang Dios nakahibalo sa hunahuna sa tawo ug basahon Niya ang hunahuna sa tawo, ug ang tawo nakahukom na sa pagbuhath niini aron ang Dios makasulti nga daw nahitabo na kini. Ug tungod niini, aduna usab kita'y elemento nga sigurado ang Dios nga kini mahitabo gyud. Ug dinhi kini mahimong makapainteres kay mahimo nimo kini basahon ingon usa ka sugo gikan sa Dios. Usab, adunay salamin nga naglihok dinhi sa teksto, kay mahimo nimo kini basahon; ug aduna'y pipila ka aspeto sa Kasulatan nga daw nagpakita nga kini usa gihapon ka matang sa sugo. O mahimo usab nimo basahon nga ang Dios nasayud sa unsay buhaton sa Israel. Nasayud Siya unsay ilang buhaton. Ug busa, gisultihan sa Dios ang Israel bahin sa unsay ilang buhaton, dili ingon usa ka sugo; kay ang pinulongan sa

Hebreo dili usa ka sugo, kini usa ka pahayag. Unsaon nato paghubad niini nga pahayag?

Ug dinhi nato kinahanglan gamiton ang atong pagsabot sa kinaiya ni Hesus ug sa Iyang pagpadayag sa Amahan. Gamiton ba nato ang *Qal Perfect* aron isulti nga ang Dios nagsulti, “Sigurado ko nga kini kinahanglan buhaton ug busa kinahanglan ninyo kini buhaton.” Mahimo nimo kini basahon ingon niini, o “Sigurado ko nga buhaton ninyo kini ug gisultihan ko kamo unsay mahitabo.” Ug kini nagahatag sa tawo og kahigayonan nga basahon kini ingon, “Ah, unsa man ang gusto Ninyo nga buhaton namo?” O simpleng pagpangita og kumpirmasyon sa unsay ilang gusto buhaton sukad pa sa sinugdan.

Ug buhaton nimo ang Ai ug ang iyang hari sama sa imong gibuhat sa Jerico ug sa iyang hari; apan ang iyang mga butang nga nakawat ug ang iyang mga hayop ra ang inyong kuhaon alang kaninyo; mag-andam ka og panuklob alang sa siyudad sa likod niini. (Josue 8:2, KJV)

Usab, aduna koy KJV dinhi nga nag-ingon, “buhaton nimo.” Mao kini ang gisulti sa KJV. Apan sa Young’s Literal, gisulti niini, “imong gibuhat na.” Ang Young’s Literal klaro nga naghigot niini nga daw nangagi na ang panahon. Busa, ang Dios nagtagna sa umaabot bahin sa unsay plano sa Israel nga buhaton. Gisultihan Niya sila unsay ilang buhaton sa umaabot.

Usab, kon gusto nimo, gikan sa akong pagbasa sa Kasulatan, mahimo gihapon nimo hubaron kini nga ang Dios sigurado nga gusto Niya nga kini buhaton, o mahimo nimo basahon kini nga ang Dios sigurado nga kini gayud ang ilang buhaton; ug nakahukom na sila nga buhaton kini. Sa kahibalo nga aduna kitay kaklaro sa teksto, kita nga magbabasa ang magbuot unsay tinuod nga kahulugan sa teksto dinhi.

Ang KJV naggamit sa pinulongan nga “thou shalt do.” Kini paminawon nga murag usa ka sugo, apan dili kini sugo. Usa kini

ka pahayag nga nagpasabot sa nahibaloan sa Dios nga buhaton sa Israel.

Importante kaayo kining punto dinhi, tungod kay ang Josue 8:2 mao ang hinungdanong bahin sa pag-apil sa Dios sa mga panghitabo niini nga sugilanon. Gikan niining puntoha padayon, mobalhin kita kang Josue ug sa iyang pagpatuman sa iyang plano aron laglagon ang siyudad sa Ai. Apan ang bersikulo dos murag naghatag kanato og usa ka sugo gikan sa Dios nga buhaton sa Ai ang sama sa ilang gibuhad sa Jerico. Bisan pa niana, ang Hebreo nga pinulongan wala maghatag kanato og usa ka mando; dili kini usa ka direkta nga sugo gikan sa Dios. Kini usa ka pahayag. Ug mahimo natong hubaron kining pahayag sa duha ka paagi. Kamo ang magbuot kung asa niini ang hustong paghubad. Alang kanako ug sa akong panimalay, among hubaron kini sumala sa yutan-ong kinabuhi ni Hesus. Ug nasayod ako nga ang kadaghanan kaninyo buhaton usab ang sama niini.

Busa, makita nato dinhi sa Josue 8:1, nga aduna kita og

Josue 8:1

Tindog – porma sa sugo

Saka – porma sa sugo

Tan-awa/Matikdi – porma sa sugo

Josue 8:2

Imong buhaton – Qal perfect – Nabuhat mo na.

Magbutang og ambus [porma sa sugo]

Busa taliwala niining tanang mga porma sa sugo, nga mga mando, aduna kita og usa ka pahayag sa kamatuoran. Ug akong gipasabot kaninyo nga kining pahayag sa kamatuoran, bisan pa man nga uban niini ang ubang mga porma sa sugo—oo, kung itandi nato kini sa Jerico, oo, ang Dios miingon nga libutan ang siyudad ug patunogon ang mga trumpeta—kini tanan mga sugo sa Dios. Sa samang paagi, ang pagbutang og ambus ug ang pagbuhat sa tanang niini nga mga

butang mga sugo usab; apan wala kitay makita nga sugo gikan sa Dios nga patyon ang mga tawo sa niining mga siyudad, wala nato kini makit-an. Ug importante kaayo kini kung atong basahon ug sabton ang Hebreo nga pinulongan niini nga teksto.

Busa, moadto kita sa sunod nga teksto. Dinhi, gusto ko ipakita kaninyo ang dugang bahin sa *Qal perfect* ug kung giunsa kini paggamit sa paghubad sa mga buhat nga nahitabo na sa nangagi. Gigamit ko ang mao gihapong pulong sa Hebreo ug ang mao gihapong porma sa *Qal perfect*. Dinhi makita nato nga ang eksaktong parehas nga porma sa berbo, ang parehas gyud nga berbo ug porma, gigamit karon aron ihulagway ang mga buhat nga nahitabo na sa nangagi. Busa, Exodo 18:1,

Sa dihang si Jetro, ang saserdote sa Midian, ang ugangan ni Moises, **nakadungog sa tanang gibuhad sa Dios** H6213 [H8804] alang kang Moises ug alang sa Israel nga iyang katawhan, *ug* nga ang Ginoo nagpagawas sa Israel gikan sa Ehipto; (Exodo 18:1)

Busa, kini nagpakita kaninyo kung giunsa kining porma sa berbo magamit alang sa mga butang nga nahuman na sa nangagi. Ug pag-usab, Deuteronomio,

Ang Ginoo nga inyong Dios, nga nag-una kaninyo, mao ang makig-away alang kaninyo, **sumala sa tanang iyang gibuhad** H6213 [H8804] **alang kaninyo didto sa Ehipto**, sa atubangan mismo sa inyong mga mata; (Deuteronomio 1:30)

Dinhi, ang *Qal perfect* nagpasabot og nabuhat na. Kini usa ka buhat nga nahitabo na sa nangagi. Eksakto kini nga parehas nga porma sa berbo nga gigamit sa Josue 8:2. Ug pag-usab, sa Deuteronomio 4:3,

Nakita sa inyong mga mata ang gibuhad sa Ginoo H6213 [H8804] **tungod kang Baalpeor**: kay ang tanang lalaki nga misunod kang Baalpeor, gipapas sila sa Ginoo ninyong Dios gikan sa inyong

taliwala. (Deuteronomio 4:3)

Kini naghulagway sa usa ka panghitabo nga nahitabo na sa nangagi ug eksakto kini parehas nga porma sa berbo.

Busa, tan-awon nato karon ang mao gihapong porma sa berbo nga gigamit alang sa umaabot nga buhat. Ug hinumdomi dinhi, aduna'y usa ka makapaikag nga butang, Deuteronomio 4:25,

Sa dihang kamo magkaanak, ug magkaanak ang inyong mga anak, ug magpabilin kamo sa yuta sulod sa taas nga panahon, ug *kamo* magpahilayo sa pagkamatarong, ug maghimo og hinimo nga larawan o bisan *unsang* hulagway, **ug buhaton** H6213 [H8804] **ninyo ang dautan sa panan-aw sa Ginoo** ninyong Dios aron siya mapungot: (Deuteronomio 4:25)

Makapaikag dinhi nga wala kini naggamit sa kasagarang berbo sa umaabot. Gigamit niini ang usa ka berbo nga naghigot sa nangagi. Ug ang atong hubad niini mao nga adunay usa ka kasiguruhan nga gigamit sa Hebreo nga nag-ingon nga ang Israel mangalaglag. Ug usab, mahimo nato isulti nga ang Dios nagtakda nga sila mangalaglag. Sigurado Siya tungod kay Siya mismo ang nagtakda niini, o ang Dios nakahibalo sa unsay naa sa kasingkasing sa mga anak sa Israel, ug busa, Siya nakahibalo sa unsay mahitabo. Nahibalo Siya nga sila mobiya ug molikay gikan kaniya. Busa, kining parehas nga berbo, nga kasagaran naghigot sa mga buhat nga nahitabo na sa nangagi, gigamit aron ilarawan ang mga buhat sa umaabot isip usa ka matang sa kasiguruhan. Tungod kay ang Dios nakasabot sa kasingkasing sa Israel, nahibalo Siya sa ilang buhaton, ug busa naghigot Siya niini sa ingon nga paagi. Pag-usab, 1 Hari 17:12,

Ug siya miingon, *Sa* pagkabuhi sa Ginoo nimo nga Dios, wala koy tinapay nga andam, kondili usa lamang ka kumkom nga harina sulod sa sudlanan, ug diyutay nga lana sulod sa sudlanan: ug tan-awa, nagkuha *ako* og duha ka piraso nga kahoy **aron mosulod ug**

ihanda H6213 [H8804] kini alang kanako ug sa akong anak, aron among kan-on ug dayon mamatay. (1 Hari 17:12)

Busa, sa iyang hunahuna, kini usa ka buhat sa umaabot, apan iyang gisulti kini nga mura'g nahimo na niya.

Mamiminaw sa Online: Busa, kini usa ka pahayag gikan sa Dios aron ipadayag ang unsay daan nang nakumpirma sa hunahuna sa Israel.

Pr. Adrian: Oo, sakto. Ang Dios nakahibalo. Busa, Siya naghisgot sa unsay ilang gituyo nga buhaton. Apan kini gisulti sa usa ka paagi nga mahimo nimo hubaron nga gusto kini sa Dios. O mahimo usab nimo hubaron nga ang Dios nakahibalo sa imong buhaton, ug Siya nagasulti kanimo sa imong gituyo nga buhaton. Ug usab, kita isip mga mambabasa ang magbuot kung unsaon paghubad niini nga mga teksto.

Busa, usab, ang pagtu-on sa Hebreo ug ang pagtan-aw niini nga mga butang dinhi, makapadasig gayud. Ug usab, sa Josue 8:7, sa eksaktong bersikulo nga atong gitun-an, si Josue ang nagasulti.

Unya kamo motindog gikan sa ambus, ug kuhaon ang siyudad: kay ang Ginoo ninyong Dios **mihatag na** [Qal perpekto] **niini sa inyong kamot**. (Josue 8:7)

Gigamit aron ipakita ang kasiguruhan – “Hapit na nga nahimo. Hunahunaa nga nahimo na. Sigurado.”

Karon, si Josue ang nagasulti, ug si Josue nagalihok base sa iyang pagtuo, ug siya nagasulti dinhi gamit ang porma sa *Qal perfect*. Siya nagasulti, “Hapit na kini nga nahimo.” Iyang gipakita ang iyang pagtuo ug nagahisgot sa usa ka umaabot nga panghitabo nga mura'g nahitabo na – bahin sa paghatag sa mga lungsoranon sa Ai. Ug sa niini nga konteksto, si Josue nagapakita og pagtuo, dako kaayong pagtuo. Klaro nga kini dili eksakto nga konteksto, apan iyang gipakita ang dakong pagtuo.

Busa, karon tan-awa ang sugo ni Josue dinhi. Karon atong gibasa ang Josue 8:4–8. Kini mao ang sugo ni Josue.

Ug iyang gisugo kanila, nga miingon, Tan-awa, kamo magpahimutang sa ambus batok sa siyudad, *bisan* sa likod sa siyudad: ayaw kamo palayo kaayo gikan sa siyudad, apan andam kamo tanan. Ug ako, ug ang tanang katawhan nga uban kanako, moadto sa siyudad: ug kini mahitabo, sa dihang sila mogawas batok kanato, sama sa una, nga kita molikay sa atubangan nila (Kay sila mogawas sunod kanato) hangtod nga atong mahuyop sila gikan sa siyudad; kay sila mosulti, Molakaw sila sa atubangan nato, sama sa una: busa molikay kita sa atubangan nila. Unya kamo motindog gikan sa ambus, ug kuhaon ang siyudad: kay ang Ginoo ninyong Dios mohatag na niini sa inyong kamot. **Ug kini mahitabo, sa dihang inyong makuha ang siyudad, nga inyong sulobon ang siyudad sa kalayo: sumala sa sugo sa Ginoo inyong buhaton**. Tan-awa [porma sa sugo], gisugo ko kamo. (Josue 8:4–8)

Sa dihang akong gisusi kini, nakaingon ko, wala man ko nakabasa sa teksto nga gisulti sa Dios nga sunugon ang siyudad. Busa, ngano man nga gisulti ni Josue nga sunugon ang siyudad? Usa ka butang nga akong nahunahuna mao nga sa miaging kapitulo, sa dihang gikuha ni Achan ang mga butang nga gitagana aron laglagon, gisulti sa Dios nga kini kinahanglan sunugon sa kalayo. Tingali si Josue nagpasabot niini. Apan dili gyud ko hingpit nga sigurado, ug wala na koy igong panahon sa pagpalawom pa sa pag-usisa kung ngano nga iyang gisulti nga gisugo sa Dios ang pagsunog sa siyudad, samtang ang gisulti ra sa Dios mao, “Gihatag ko sila sa inyong mga kamot.” Gawas kon iyang gihubad kini sa iyang kaugalingon nga sama sa gibuhat nila sa Jerico nga ilang gisunog usab sa kalayo, ug tingali naghunahuna siya nga, kung unsa ang gibuhat nato sa Jerico, mao usab ang buhaton nato kanila. Tingali mao kana ang iyang paghubad, nga nagpasabot nga gisugo sila sa Dios nga buhaton ang sama nga butang nga gibuhat nila sa Jerico. Dili ko gyud hingpit nga masiguro. Apan makapaikag kini

nga punto.

Ang sunod-sunod nga mga panghitabo:

1. Si Josue nagpadala og usa ka grupo nga 5,000 ka lalaki aron magpahimutang alang sa ambus
2. Iyang gidala ang iyang pangunang kusog ug naghimo og atubangan nga pag-atake sa siyudad
3. Iyang giluwes ang iyang mga tawo ug gipahimo sa mga tawo sa Ai nga motuo nga sila napildi
4. Ang mga tawo sa Ai mogawas batok kanila, ug si Josue gipagawas sila gikan sa siyudad.
5. Unya si Josue naghatag og timailhan [gidangat ang iyang sibat – nga ipakita sa ulahi sa kapitulo] aron ang 5,000 ka lalaki makuha ang siyudad
6. Ang ikaduhang grupo misulod sa siyudad ug nagsugod sa pagsunog niini.
7. Ang mga tawo sa Ai nakakita nga napildi na ang ilang hinungdan.

Ug sa dihang nakita ni Josue ug sa tanang Israel nga ang ambus nakakuha na sa siyudad, ug ang aso sa siyudad misaka, unya sila mibalik **ug gipatay ang mga tawo sa Ai.** (Josue 8:21)

Busa, ang tanang mga tawo sa Ai gipapas sa niini nga proseso. Busa, karon moabot kita sa akong gitawag nga pagpamatay sa tanan. Ug kini nag-ingon,

Ug nahitabo kini, sa dihang ang Israel nakahuman sa pagpamatay sa tanang lumulupyo sa Ai sa umahan, [busa sa gawas sa umahan, kadtong nakig-away kanila, ilang gipapas ang tanan], sa kamingawan diin ilang gisundan sila [busa gisundan nila ang mga

tawo, gipapas ang tanan], ug sa dihang nahulog na silang tanan sa talinis sa espada, hangtod nga sila hingpit nang nawala, mibalik ang tanang Israel ngadto sa Ai, ug ilang gisikop kini gamit ang talinis sa espada. Ug nahitabo, *nga* ang tanang nahulog niadtong adlaw, lalaki man o babaye [ug apil niini ang mga bata, kay kung ilang gipatay ang tanang lalaki ug babaye, mahimo nga ang mga bata apil usab; kay nag-ingon nga tanan sila], nagkantidad og dose mil, *mao* ang tanang lalaki sa Ai. Kay si Josue wala gibawi ang iyang kamot, diin iyang gipahimutang ang sibat, **hangtod nga hingpit niyang gipapas ang tanang lumulupyo sa Ai.** (Josue 8:24-26)

Ug sa dihang atong hunahunaon kini, kini makapahigmata gayud. Sa tinuud, kini ingon ka makapahigmata nga sa dihang si Josephus naningkamot nga ihatag sa mga Romano ang kasaysayan sa iyang nasod, iyang giusab ang tinuod nga mga panghitabo aron dili kini tanawon nga grabe kaayo sa mga Romano. Busa, gusto nako basahon kaninyo kung unsay gisulat ni Josephus bahin niini nga partikular nga panghitabo. Kini makita sa *Antiquities, Libro 5, Kapitulo 1, paragrafo 15.*

Sumala niini, kining mga tawo nakakuha sa siyudad, ug gipatay ang tanang ilang masugatan; apan si Josue gipugos ang mga miatubang kanila nga moadto sa direkta nga pakig-away, ug ilang napildi, ug gipapalayas sila; ug sa dihang sila gipangduso paingon sa siyudad, ug naghunahuna nga wala kini matandog, sa dihang nakita nila nga nakakuha na kini, ug nakabantay nga gisunog kini, uban sa ilang mga asawa ug mga anak, sila naglibot-libot sa umahan nga nagkatibulaag, ug wala gyud sila'y kapilian sa pagpanalipod sa ilang kaugalingon, kay wala silay kinsa nga motabang kanila.

Makahunahuna ba kamo sa mga tawo sa Ai nga nakita ang siyudad nasunog ug naghunahuna sila, ang akong asawa ug akong mga anak

namatay na, ug naglibot-libot sila, naglibog ug wala kahibalo unsa ang buhaton sunod, nalibog ug nagkalibog. Ug unya ang mga sundalo sa Israel miduol kanila ug gipatay silang tanan.

Karon, sa dihang nahitabo kini nga katalagman sa mga tawo sa Ai, [tan-awa usab unsay gisulti ni Josephus sunod] **aduna'y daghang mga bata, mga babaye, mga alagad, ug usa ka dako kaayong kantidad sa uban pang mga gamit.**

Mura kog naghunahuna, hulat usa, nag-ingon ka ba nga ang Israel nagluwas sa mga babaye ug mga bata ug gipamatay lang ang mga lalaki sa Ai?

Ang mga Hebreo usab nagkuha og mga kawan sa baka, ug daghang kuwarta, kay kini usa ka dato nga yuta. Busa, sa dihang miabot si Josue sa Gilgal, iyang gibahin-bahin ang tanang nahuptan ngadto sa mga sundalo. (Josephus, *Antiquities Book 5*, Chapter 1, para.15)

Nga mao usab ang butang nga sigurado nga buhaton sa mga Romano. Busa, nagbuhat ko og gamay nga panukiduki bahin niini nga kalainan tali sa gisulti sa Josue, sa libro mismo, ug sa gisulti ni Josephus. Ug kung tan-awon nimo ang Wikipedia, uban sa uban pang mga tinubdan, mao kini ang rason nga gihatag ni Josephus.

Ang Rason: **Kasagaran nagsulat si Josephus alang sa mga Romano nga mambabasa. Nagtuo ang mga istoriyador nga usahay iyang "gipahinay" ang mas bayolenteng bahin sa kasaysayan sa mga Hudiyo** aron ipakita ang mga Israelita nga mas sibilisado ug dili ingon ka "barbaro" sa panan-aw sa mga Romano, nga nagtan-aw sa bug-os nga pagpamatay sa mga babaye ug bata nga sobra ra, bisan pa sa ilang kaugalingong pamantayan. (Google Summary)

Ug kini usa ka Google nga buod sa mga panghitabo. Busa, si Josephus

naningkamot nga pahumayon ang epekto sa mga panghitabo. Ang Josue, sa libro sa Josue, nagrekord nga tanan namatay, nga nagpasabot nga masulti nato nga ang tibuok siyudad gipatay sa usa ka genocide. Gipapas kini. Wala nay nahibilin.

Ug usab, kini usa ka panultihon gikan sa Wikipedia.

Gipasiugda ni Josephan nga eskolar nga si Louis Feldman ang pipila ka sayop nga pagsabot bahin sa Hudiyong katawhan nga gipakaylap sa panahon ni Josephus. Sa partikular, ang mga Judio gituohan nga kulang sa dagkong mga numero sa kasaysayan ug usa ka kasaligan nga kasaysayan sa ilang katawhan. Giakusahan usab sila nga naghambin ug pagdumot ngadto sa mga dili-Hudiyong [Naghunahuna ko ngano nga sila naghunahuna niana?], ug gituohan nga kasagarang kulang sa pagkamaunongon, pagtahod sa awtoridad, ug gugmang putli.[Dili ba kana makapainteres. Kulang sila sa Agape, o tingali charity/charitas, labi na.] Uban niining mapintas nga mga akusasyon batok sa mga Judio nga nagsabak mahitungod sa Romanhong imperyo, si Josephus, misugod sa paghatag ug Hellenized nga bersiyon sa kasaysayan sa mga Hudiyong.

(https://en.wikipedia.org/wiki/Antiquities_of_the_Jews#:~:text=They%20were%20also%20accused%20of,version%20of%20the%20Jewish%20history.)

Ug sa atong nahibaw-an, bisan kinsa ang nagsulat sa kasaysayan, kini mao ang iyang kanunay nga istorya. Busa, dili kini tukma nga asoy; Si Josephus naningkamot sa pagpahumok sa bug-os, brutal nga epekto niini nga istorya.

Busa, kini nag-ingon, sama sa atong nabasa sa sayo pa, [sa Josue 8:24-26] Gikutlo ko lang pag-usab ang kataposang bahin sa bersikulo 26,

... **hangtod nga iyang nalaglag sa hingpit ang tanang molupyo sa Ai.** [Sila gipapas.] (Josue 8:26)

Kini usa ka genocide. Si Josephus wala gyud motalinghaga sa mga Romano og kasaysayan bahin sa pagpapas sa mga babaye ug bata. Makapahimo kini kanila nga adunay dautang panglantaw batok sa mga Hudiyo. Makapaikag kini, kining batasan sa pagpa-humok sa tinuod nga nahitabo.

Kanus-a man gyud espesipikong gihisgutan sa mga Kristohanon nga si Josue ug ang iyang mga sundalo mibungkag sa mga bungo sa mga babaye ug mga bata ug gikuha ang mga masuso ug gibunal batok sa mga bato? Kini ba usa ka butang nga gipasantop sa Kristiyanismo? Dili, ang dakong pagpasantop mao ang mga lalaki, ang mga lalaki nga nakapatay og 36 ka Israelita, ang mga lalaki nga nangahas mobarog ug mosukol sa padayon nga pag-uswag sa Israel. Ug makaingon kita, angay gyud mamatay kining mga lalaki. Mao kana ang hinungdan nga ilang gibayran ang bili. Apan panagsa ra hisgutan nga ang mga babaye ug mga bata gipapas usab.

Kini gipalig-on pa gyud sa punto nga sa panahon sa mga Midianita, sa dihang gipaluas sa Israel ang mga babaye ug mga bata, nasuko si Moises ug miingon, ngano inyong gipabuhi ang mga babaye? Gipatay ang mga babaye nga nakaila og lalaki ug ang mga lalaki nga masuso, ang mga lalaki nga bata. Busa, kini na-instilar na kanila. Usab, tungod kay sila naglihok ilawom sa daang kasabotan, kung dili nila kini buhaton, kini nga mga tawo sa ulahi makadaut kanila. Ug bisan pa sa pagbuhat sa tanang kini nga butang, pagkahuman sa kamatayon ni Josue, dali kaayong nausab ang Israel pinaagi sa mga nasod nga naglibot kanila ug ang tanang ilang gitinguha nga buhaton mibalik batok kanila.

Mamiminaw sa Online: Iyang gisulayan sa pagpahamtang og curfew, sama sa atong nasinati upat ka tuig ang milabay, aron pugngan ang sakit. Ug sa katapusan, nagpasamot ra kini sa dugay nga panahon, sama sa dili malikayan kung wala ka'y husto nga mga himan.

Pr. Adrian: Busa, naghimo ba kita og istorya bahin sa pag-bunal sa mga masuso batok sa mga bato? Kinahanglan ba gyud nato tutokan kini nga mga butang? Dinhi atong makita sa Salmo 137:7–9, nga nag-ingon,

Hinumdumi, O Ginoo, ang mga anak sa Edom sa adlaw sa Jerusalem; nga miingon, liposa *kini*, liposa *kini* [patag-a *kini*], *hangtod* sa iyang pundasyon. **O anak nga babaye sa Babilonia, nga pagadaugon;** malipayong *siya nga* magabalos kanimo sumala sa imong gibuhat nga pag-alagad kanato. Malipayon *siya nga* **magkuha ug mubunal sa imong mga masuso batok sa mga bato.** (Salmo 137:7–9)

Busa, kini mao ang gibuhat sa Babilonia sa Israel. Ug ang Israel nagasulti, mahitabo kini kanimo, ug sa dihang mahitabo kini kanimo, kami malipay. Ug aron masabtan kini, si Adam Clark, ang iladong komentaryo nga atong gigamit, miingon niini,

Kining mga propetikong pahayag wala mag-awhag kang bisan kinsa nga magbuhat og mga buhat sa kabangis ug kabarbaryo; **kondili yano lamang nga nagapahayag sa kung unsay mahitabo sumala sa kahusay sa balosnon nga pagdumala ug hustisya sa Dios,** ug sa kinatibuk-ang pagtan-aw nga ipadayag isip resulta niini; busa, ang pag-ampo alang sa paglaglag sa atong mga kaaway hingpit nga dili angay hisgutan. (Adam Clarke Commentary)

Karon, atong nasabtan nga ang balosnon nga hustisya sa Dios mao ang pagbiya ug pagtugot nga matuman ang mga sangputanan sa mga buhat sa tawo. Oo, kana ang hustisya sa Dios. Siya moliko; kini mao ang Iyang talagsaong buhat. Dili Siya direkta nga moapil, dili Siya direkta nga mosugo niini nga mga butang, apan Siya nagtugot nga kini mahitabo. Busa, Siya nagasulti nga kini usa ka pahayag sa kamatuoran.

Busa, kining pahayag kasagaran gigamit aron hisgutan ang

kabangisan sa Karaang Tugon. Usa ka salmo nga gisulat bahin sa kalipay sa pag-bunal sa gagmay nga mga bata batok sa mga bato. Apan kini mao ang ilang gibuhad kaniadto. Ug sa panahon sa mga Romano, nasuko sila niini nga kabangisan, bisan pa man nga sila mismo usa ka barbaro nga nasod sa ilang gibuhad sa uban nga tawo. Apan atong pangutan-on ang atong kaugalingon niini nga mga pangutana. Dios ba kini? Sige, atong tan-awon ang mga pangutana. Ibutang nako ang mga pangutana aron ato kini masusi.

1. Misugo ba ang Dios sa pagpatay sa mga masuso didto sa Ai?

Ug mao kini ang pangutana nga angay natong ipaatubang sa mga tawo. Nag-ingon ba kamo nga gisugo sa Dios ang Iyang katawhan nga kuhaon ang gagmayng mga bata ug ilabay sila sa usa ka bato sa bug-os nga kusog? Pasayloa ko sa malinaw ug mabug-at nga paghulagway, apan mao gayud kini ang nahitabo. Ug kon dili nato atubangon kung unsa ang tinuod nga nahitabo, mahimo ra natong pasagdan kining mga estoryaha ug moingon, “Namatay sila ug magpadayon na ta.” Apan mao gyud kini ang nahitabo, mga igsoon. Ug kon motuo kita nga gisugo kini sa Dios, nan nagpasabot usab nga motuo kita nga gusto sa Dios nga madugmok ang mga bungo sa mga bata ug mamatay sila sa pagdugo. Kini mao ang labing mapintas ug walay kalooy nga butang nga mahunahunaan. Ug kon motuo ang mga tawo niini, ang akong masulti lamang mao, “Hinaot tabangan kamo sa Langit.”

Ug mao kana ang hinungdan nga gipangutana ko kana nga pangutana:

1. Uyon ba kini sa kinaiya sa Dios?

Wala gyud buhata kini ni Hesus sa dihang ania pa Siya sa yuta. Wala usab Niya kini gipadayag. Dili kini mahimong uyon sa kinaiya sa Dios. Ug bisan kinsa nga motuo niini nagakahimtang sa usa ka lebel sa kahimtangan sa hunahuna nga dili husto, nga mahimong temporaryo

ug posible usab nga permanente. Ug oo, nailhan ako sa prangkahang pagsulti mahitungod niini nga hilisgutan. Wala koy pasaylo nga ihatag kang bisan kinsa, tungod kay kining ginatudlo sa Kristohanong doktrina usa ka direkta nga pag-atake sa akong Dios ug sa Dios nga akong gialagaran. Ug dili ko basta magpaubos ug dawaton lang kini. Mubarog ako ug mosupak ug moingon, dili, dili kini mao ang Dios ni Hesu-Kristo. Dili kini mao ang gisugo sa Dios. Kini mao ang Dios nga nagtugot nga mahitabo kining mga butanga subay sa mga buot ug desisyon sa mga tawo.

2. Asa man sa maong sugilanon nga klaro ug tin-aw nga gisulti sa Dios ang Israel nga patyon ang bisan kinsa nga tawo?

Dili ninyo kana mabasa sa maong sugilanon. Wala gayud Siya mosulti, pinaagi sa usa ka sugo o mando, nga patyon ang tanang katawhan sa Ai. Wala kini maglungtad. Wala kini sulod sa teksto. Aduna lamang pamahayag ang Dios nga nag-ingon nga kahibalo Siya kung unsay mahitabo. Kahibalo Siya kung unsay buhaton ninyo. Ug dinhi na kita moabot sa sunod nga punto sa atong pagsabot mahitungod sa Krus.

3. Kon gibati ni Kristo ang tanang pag-antos sa katawhan, magpasakit ba Siya sa Iyang kaugalingon pinaagi sa pagsugo sa kamatayon, kon si Hesus mao ang nagsugo sa pagpatay niining mga tawhana nga Siya usab mismo ang mag-antos sa ilang pag-antos?

Si Hesus ba ang unang *emos*? Siya ba ang nagsugod sa pagsamad sa Iyang kaugalingon gamit ang labaha, ug mao ba kini ang Iyang gibuhat sa Iyang kaugalingon? Angay ba natong himayaon ang mga tawo nga nagapasakit sa ilang kaugalingon, tungod kay mao ba kini ang gibuhat ni Hesus? Ginasamad Niya ang Iyang kaugalingon, tungod kay Siya kuno ang nagsugo sa kamatayon niining mga tawhana, nga magdala ngadto sa Iyang kaugalingon ug dakong kasakit ug pag-antos. Sa pag-usab, kini makalibog ug walay hustong

kahulugan. Wala gyud kini'y bisan unsang katarungan.

4. Kon si Hesus mao ang pagkabanhaw ug ang kinabuhi, unsaon man Niya pagdala sa kamatayon?

Ug daghang butang nga atong gisusi sa maong sugilanon, mga igsoon, imposible nga ang Dios sa Bibliya mao ang nagsugo sa ingon niini nga mga butang. Apan Siya nagapadayag sa pagpahayag nga, “Kahibalo Ko unsay inyong buhaton,” gamit ang *Qal perfect* nga porma.

5. Kon ang kamatayon kaaway sa Dios, unsaon man Niya pagdala sa kamatayon?
6. Kon ang kamatayon kaaway sa Dios, unsaon man sa Dios paggamit sa Iyang mga kaaway aron makab-ot ang Iyang mga katuyoan?
7. Dili ba kini magpakita nga ang Dios ug si Satanas nagtinabangay?

Nagasulti ang 1 Corinto 15 nga ang kamatayon mao ang katapusan nga kaaway nga pagadaugon. Ug kon ang kamatayon mao ang kaaway, nan... ato ning balihon gamay ang panan-aw. Ang uban tawo nagasaway nato nga nag-ingon kita nga ang Dios ug ang yawa nagtinabangay; tungod kay nagbase sila sa hunahuna nga motuo kita nga gusto sa Dios nga mamatay ang mga tawo. Busa, gigamit Niya si Satanas aron buhaton ang maong buhat para Niya; nga nagpasabot nga nagtinabangay si Satanas ug Dios. Apan sa tinuod, ang kasukwahi mao ang hustong pagtan-aw. Kay ang pagsulti nga gigamit sa Dios ang kamatayon, nga mao man ang Iyang kaaway, aron makab-ot ang Iyang katuyoan, nagpasabot nga nagtrabaho ang Dios uban kang Satanas. Kon mosulti ka nga gusto sa Dios ang kamatayon ug gisugo ang kamatayon, nagpasabot ka nga ang Dios anaay hingpit nga panag-uyon uban sa maghimo sa kamatayon, nga mao si Satanas, **nga nagpasabot nga motuo ka nga ang Dios ug si Satanas nagtinabangay alang sa parehas nga katuyoan, parehas nga resulta, nga ako hingpit**

nga supak ug dili dawaton. Tan-awon nako ang tanang maong mga sugilanon pinaagi sa panan-aw ni Hesu-Kristo.

Mao kini ang nahitabo – 12,000 ka tawo! 12,000 ka tawo ang gipatay. Oo, gidala sa Dios sila sa kamot sa Israel. Ug sa atong pagtan-aw sa pulong nga “gidala sa kamot”, makita nato nga gibilin sa Dios ang katawhan sa Ai ug iya silang gibyaan sa mga sangputanan. Tungod kay ilang gipili nga motindog ug makig-away, imbes nga molayas o mosunod, wala na’y kapasidad ang Dios nga protektahan sila. Sila mismo ang nagdala niini sa ilang kaugalingon. Ug ilang nadala ang kadaut sa ilang mga asawa ug mga anak, nga nakabayad usab sa presyo uban nila tungod sa kini nga buang nga buhat.

Gusto nako ipakita kini nga punto ni Josephus aron ipakita nga aduna’y tinguha nga pasagdan lang o palampason kini nga mga sugilanon. Makalingaw nga sa dihang akong gipakita kini nga mga sugilanon sa miaging panahon, nga nagpakita sa tinuod nga nahitabo, ang uban tawo mobati nga ako nag-atake sa ilang Dios nga mamamatay, ug sila mobati nga nasakitan niini; tungod kay gisusi nako ang aktuwal nga mga detalye sa nahitabo. Apan ang yano nga tubag nga akong ihatag mao kini, “Biyae na ang inyong Dios nga mamamatay. Pagtuo kamo sa Dios nga sama kang Hesu-Kristo.” Ug sama sa akong gipakita ninyo sa kini nga presentasyon, ang Hebreohanon nga gramatika nagtugot og lahi nga interpretasyon. Ug dili ninyo mapakita kanako bisan asa sa maong kapitulo nga klaro ug tin-aw nga gisugo sa Dios, pinaagi sa usa ka imperatibo nga Hebreohanon nga mando, ang pagpatay sa mga lalaki, babaye, ug mga bata sa Ai. Wala kini bisan asa sa teksto. Wala gyud kini maglungtad. Aduna lamang pamahayag kung unsay nahibaloan sa Dios nga buhaton sa Israel.

Busa, naglaum ko nga kamo mapadasig sa kini nga mga hunahuna. Sa akong pagtan-aw niini nga mga sugilanon, dako kaayo ang akong pagdasig nga makita nga ang atong Dios dili usa ka managuba.

Mamiminaw sa Online: Walay koneksyon ang kinabuhi ug kamatayon. Busa, kon si Hesus mao ang Kinabuhi, dili Siya makapadala sa kamatayon.

Mamiminaw sa Online: Ang sala sa katawhan sa Ai gihukman pinaagi sa sala sa Israel. Wala magpakita og kalooy ang Israel kanila.

Pr. Adrian: Eksakto. Salamat. Ug makapaikag nga sa ulahi, samtang ang Israel wala magpakita og kalooy, wala usab sila makadawat og kalooy. “Ingon sa inyong pagtanom, ingon usab ang inyong anihon.” Ug sila hingpit nga gipatay, sama sa ilang gipatay. Ug gidala sa Dios sila sa kamot sa ubang mga nasod, sama sa pagdala Niya sa ubang nasod sa ilang kamot. “Ingon sa inyong pagtanom, ingon usab ang inyong anihon.”

Ug atong pahimangnoan ang atong kaugalingon pag-usab nga gisulti sa Dios sa Exodo 23 nga pagakagulohon sa Dios ang mga lumulupyo sa Canaan, sama sa paglimpyo sa templo diin ang mga tawo pagatakoton sa kusog nga presensya sa tinuod nga Espiritu sa Dios ug sa Iyang mga sumusunod. Sila pagahadlukon og dako, ug sila unta nilayas, o unta nagpailalom ug nangayo og tabang sa Dios tungod sa kusog sa pagpanghimangno nga sama sa mga putyukan sa pagsaway.

Mamiminaw sa Online: Si Josue usa ka alegorikal nga representasyon ni Hesus.

Pr. Adrian: Busa, nakabukas ka og usa ka dakong isyu didto, Adam. Kahibalo ko nga si Josue ug si Hesus/Yeshua mao ra ang pulong nga gigamit didto. Ug sa akong hunahuna, kon anaa si Hesus didto, ug ang Iyang Espiritu, Siya unta ang maglimpyo sa templo sa Ai, ug maglimpyo sa siyudad. Kadtong dili gusto moapil Niya unta nilayas, ug kadtong gustong maghinulsol unta natumba sa Iyang mga tiil, sama sa babaye nga nadakpan sa pagpangilog-asawa, ug unta nangayo og kalooy.

Mamiminaw sa Online: Busa, ang nahitabo mao nga ang Dios

nagpagawas og mga pamahayag nga nagresulta sa pagpadayag sa makalilisang nga dautang kinaiya.

Pr. Adrian: Oo, eksakto. Nagdala kini nga modaghan ang sala. Ang Dios nagpagawas og pamahayag nga nagpadayag sa pagkadautan sa sulod sa tawo, apan ang Dios nagatugot nga modaghan ang sala aron mas molabaw ang grasya. Apan ang Dios wala nag-ingon og bisan unsa nga wala pa daan natino sa kasingkasing sa mga Israelinhon. Ila na daan nga napangandaman nga buhaton kini. Sama usab sa atong makita sa sugilanon ni Saul ug sa mga Amalekita sa 1 Samuel 14 ug 15. Mao ra gihapon ang proseso nga nagpadayon.

Busa karon, mahimo na nato sugdan ang pagtan-aw sa paggamit sa *Qal perfect* nga porma alang sa mga umaabot nga panghitabo, apan kini mahimo usab nga magpahinumdom kanato nga kini mahimong usa lamang ka pamahayag sa kamatuoran o usa ka propetikong pagpahayag sa unsay nahibaloan sa Dios nga mahitabo. Sa pag-usab, mahimo usab kini basahon sa lain nga paagi, tungod kay ang *Qal perfect* mahimong gamiton aron ipakita ang kahimtang nga, “Sigurado ko niini, gusto nako nga kini mahitabo.” Mahimo nimo kini basahon sa ingon nga paagi, apan mahimo usab nimo kini basahon sa lain nga paagi, ingon lamang usa ka pamahayag sa kamatuoran.

Busa, naglaum ko nga kamo nabendisyonan niini. Dako kaayo akong kalipay sa kini nga serye samtang atong gisusi si Josue, ug samtang atong gisusi ang matag sugilanon, sa katapusan, akong pagahiuson kini ug ibutang sa libro nga akong itawag *The Kingdom of Heaven*.

Nagpasalamat ko pag-usab sa inyong mga pag-ampo. Sa pagtapos, akong isulti nga sukad pa sa Hulyo - sukad sa atong ten days of prayer sa Hulyo - halos wala na gyud ko motan-aw og balita. Ug sa bag-ohay lang nga balita bahin sa nahitabo sa Venezuela, mubo ra akong misulod sa kalibutan sa balita. Sa sulod lang sa gamay nga panahon, nahinumduman ko kung unsa kini ka-usik sa panahon ug

kung pila ka basura ug walay pulos nga impormasyon ang naa. Kon mobiya ka sa pagtan-aw sa balita sa usa ka panahon, ug mobalik ka, makurat gyud ka sa tanan katingalahan ug mga makalilisang nga butang nga nahitabo. Busa, mibalik ko sa paglikay niini. Gibyaan nako kini nga kalibutan ug gisalig ko kini sa akong Amahan, ug kutob sa mahimo, nasayud ko nga Siya mag-amping kanako. Nagsalig ko nga Siya usab mag-amping kaninyo. Magpokus kita sa mga butang nga maayo, matarong, buotan, ug hinungdanon. Magpuyo kita sa paghunahuna niini ug magpokus sa atong talagsaong Amahan.

Ug usab, naglaum ko nga kamo nabendisyonan sa pipila sa mga musika. Dili nako kinahanglan maminaw og musika nga gihimo sa mga tawo nga nagasimba sa laing Dios o adunay laing pagsabot sa kaluwasan. Kini nga musika amoang gihimo, ug kini adunay lain nga vibrasyon.

Nalipay ko nga kini nakahatag kaninyo og daghang hunahuna. Kini pa lamang ang mga inisyal nga hunahuna, busa posible nga kinahanglan pa og pipila ka pag-usab o pag-adjust sa partikular nga punto. Apan dali kaayo ko nahimong mausisa samtang nagbasa: Imperative, Imperative, Imperative, ug unya kalit lang, usa ka pamahayag nga kasagaran gamiton aron isaysay ang usa ka butang nga nahitabo na sa kagahapon. Ug ako naghunahuna, “Unsa man ni?” Mao kini ang resulta nga naugmad.

Mamiminaw sa Online: Oo, dili na gyud nako kaya ang balita pagkahuman sa atong pagpuasa. Magpuasa kita ug biyaan nato ang balita. Gisulti lang nako, “Ginoo, imo kong dad-on sa mga butang nga kinahanglan nakong makita.”

Pr. Adrian: Oo. Moluhod ko, ug tapuson nato kini pinaagi sa usa ka pag-ampo.

Panapos nga Pag-ampo:

Amahan sa langit, nagpasalamat kami pag-usab kanimo nga sa dihang

among gisusi ang pulong sa Dios, ang Kasulatan mismo nagpasabot sa kaugalingon. Sa dihang among gipanghiusa ang mga bahin, makita namo ang hulagway kung giunsa nimo pag-atubang ang usa ka lumalapas nga katawhan, nga miingon kanimo sa Sinai, “Ayaw pasagdi nga ang Dios ang mosulti kanamo. Himoang si Moises ang mosulti kanamo.” Gibali nila ang pakigsaad, kay imo silang gisultihan, “Kon maminaw kamo sa akong tingog, nan inyong gipanalanginan ang akong pakigsaad,” apan ilang gisalikway ang pagpaminaw sa imong tingog.

Ginoo, hinaut nga maminaw kami sa Imong tingog. Tabangi kami nga maglakaw uban Kanimo. Ipaambit kanamo ang Imong Espiritu. Ginoo, tabangi kami nga dalhon ang among krus, nga makamata sa pagpakamatay uban ni Kristo, ug makalahutay sa mga kapakyasan sa uban. Hatagi kami og grasya aron makalahutay niini ug dili mapungot. Kinahanglan namo ang Imong tabang aron mabuhat kini, kay dili namo kini mahimo sa among kaugalingon.

Nagpasalamat ko kanimo, Ginoo Hesus, nga dili nimo gub-on ang gagmayng bata; ang mga bata, mga babaye, o bisan mga lalaki, dili nimo sila gub-on, apan gihigugma nimo sila, ug gihatagan nimo sila og grasya.

Busa, nagpasalamat ko pag-usab kanimo, Amahan. Dako kaayo akong kalipay nga mailhan ang katahum sa Imong kinaiya. Ug nag-ampo ako nga kita tanan magadayeg kanimo, ug nga sa among kasingkasing ug hunahuna, among halokan ug pasalamatang Imong kamot, ug magpasalamat nga ikaw dakung Dios ug katingalahan kaayo. Sa ngalan ni Hesus. Amen.

PAGGUBA SA AI

Ang siyudad sa Ai nakapahimulos sa mga pwersa ni Josue pagkahuman sa ilang dakong kadaogan batok sa Jerico. Ang mga plano gihimo nga walay giya gikan sa Dios, ug ang Israel nakasinati sa pagkawala sa 36 ka lalaki ingon sangputanan. Aduna'y kakulangan sa depensa sa Israel tungod sa pagrebelde ni Achan, nga dali dayon natagad.

Dayon mibalik si Josue sa Ai aron atubangon kini. Unsaon nato pagbasa niini nga sugilanon sa kahayag sa mahigugmaong kinaiya ni Hesus? Nagpasabot ba ang misteryo sa Krus sa tanang misteryo, lakip na ang sugilanon sa Ai?

Sa kini nga presentasyon, atong tan-awon ang pipila ka aspeto sa Hebreohanon nga gramatika nga naghatag og mga timailhan sa kini nga sugilanon alang sa lain nga panan-aw sa pag-apil sa Dios.

Ngano man nga importante nga balikan kini nga sugilanon? Tungod kay ang Israel wala lang gipatay ang mga lalaki sa siyudad, gipatay nila ang tanan; ang tanang babaye ug mga bata. Mao ba kini ang Dios ni Hesu-Kristo? Pagpatay sa mga babaye ug gagmayng bata; hingpit nga pagbungkag sa tibuok siyudad? Nagtagbo ba kini sa giingon nga pagpangpahawa sa mga lumulupyo gamit ang mga putyukan?

Daghang mga punto ang gihisgutan sa kini nga presentasyon aron paghatag kahayag sa niini nga mga pangutana.